

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი**

ბრძანება № 01-02/150

ქ.ბათუმი

07 დეკემბერი, 2020 წ


2020-2021 სასწავლო წლის შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სტიპენდიის დანიშვნისა და გაცემის წესის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს 2020-2021 სასწავლო წლის აკადემიური კალენდარის დამტკიცების შესახებ“ ბსუ-ს აკადემიური საბჭოს 2020 წლის 06 აგვისოს №06-01/44 დადგენილების, „იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის N322 დადგენილების, საქართველოს განათლების, მეცნიერების, კულტურისა და სპორტის მინისტრის, მიხეილ ჩხერიმელის 2020 წლის 30 იანვრის N124 ბრძანებისა და საქართველოს განათლების, მეცნიერების, კულტურისა და სპორტის სამინისტროს უმაღლესი განათლებისა და მეცნიერების განვითარების დეპარტამენტის უფროსის ნ. წერეთელის 2020 წლის 01 დეკემბრის MES 0 20 0001143798 კორესპონდენციისა და სტუდენტთა კარიერული განვითარების, კულტურისა და სპორტის დეპარტამენტის უფროსის მერაბ დიასამიძის 2020 წლის 02 დეკემბრის MES 5 20 0001149021 საფუძველზე

ვ ბ რ ძ ა ნ ე ბ:

- დამტკიცდეს 2020-2021 სასწავლო შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სტიპენდიების დანიშვნისა და გაცემის წესი (დანართი N1).
- ბრძანება გამოქვეყნდეს ბსუ-ს ვებგვერდზე.
- ბრძანება გასაცნობად და აღსასრულებლად დაეგზავნოს ბსუ-ს ადმინისტრაციის ხელმძღვანელს, რექტორის მოადგილეებს, ხარისხის უზრუნველყოფის სამსახურს, ფაკულტეტებს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიების სამსახურს და იურიდიულ დეპარტამენტს.
- ბრძანება შეიძლება გასაჩივრდეს კანონმდებლობითი დადგენილი წესით მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. №30).
- ბრძანება ამოქმედდეს ხელმოწერისთანავე.

რექტორი, ასოცირებული პროფესორი


I. სულიერი
მერაბ ხალვაში

„2020-2021 სასწავლო წლის შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სტიპენდიების დანიშვნისა და გაცემის წესის დამტკიცების შესახებ“

ბსუ-ს რექტორის 2020 წლის 07 გვერდზე N-01-12/150 ბრძანების
დანართი N1

„2020-2021 სასწავლო წლის შემოდგომის სემესტრში პროგრამის „სახელმწიფო სტიპენდიები სტუდენტებს“ ფარგლებში სტიპენდიების დანიშვნისა და გაცემის წესი

1. წინამდებარე წესის მიზანია სახელმწიფო პროგრამის „სახელმწიფო სტიპენდიები სტუდენტებს“ ფარგლებში ბსუ-ს საბაკალავრო, მედიცინის მიმართულებით ერთსაფეხურიანი, დაწყებითი განათლების მასწავლებლის მომზადების ინტეგრირებულ საბაკალავრო - სამაგისტრო პროგრამებზე (გარდა სამაგისტრო და სადოქტორო პროგრამებისა) ერთიანი ეროვნული გამოცდების შედეგად ჩარიცხულ 222 სტუდენტზე, 2020 წლის 01 ოქტომბრიდან 2021 წლის 01 მარტამდე პერიოდისათვის (სულ 5 თვის), თითოეულზე ყოველთვიური 150 ლარის ოდენობით სახელმწიფო სტიპენდიის დანიშვნისათვის კრიტერიუმების შემუშავება.
2. სახელმწიფო სტიპენდია ენიშნება იმ სტუდენტებს, რომლებსაც წინა სემესტრში, ათვისებული აქვთ არანაკლებ 27 კრედიტი და შესაბამისი პროგრამის სასწავლო გეგმით გათვალისწინებულ ყოველ სასწავლო კურსში მიღებული აქვს „საშუალო შეწონილი“ ფორმულით მინიმუმ 81 ან მეტი ქულა.
3. ბსუ-ში სახელმწიფო სტიპენდიანტთა რაოდენობა განისაზღვრება სახელმწიფოს მიერ გაცემული დაფინანსების ოდენობის (სულ 222 სტუდენტისათვის) გათვალისწინებით, ბსუ-ს აქტიური სტუდენტთა საერთო რაოდენობიდან ფაკულტეტებზე აქტიური სტუდენტთა რაოდენობის პროცენტული წილის შესაბამისად, რაც სტუდენტური პორტალის მონაცემებით 2020 წლის 01 დეკემბრის მდგომარეობით არის შემდეგი:
 - ა) ჰუმანიტარულ მეცნიერებათა ფაკულტეტიდან - 46 სტუდენტზე;
 - ბ) ეკონომიკისა და ბიზნესის ფაკულტეტიდან - 42 სტუდენტზე;
 - გ) იურიდიული და სოციალურ მეცნიერებათა ფაკულტეტიდან - 34 სტუდენტზე;
 - დ) საბუნებისმეტყველო მეცნიერებათა და ჯანდაცვის ფაკულტეტიდან - 32 სტუდენტზე;
 - ე) ზუსტ მეცნიერებათა და განათლების ფაკულტეტიდან - 23 სტუდენტზე;
 - ვ) ტურიზმის ფაკულტეტიდან - 25 სტუდენტზე;
 - ზ) ტექნიკური ფაკულტეტიდან - 20 სტუდენტზე.
4. საფაკულტეტო კვოტის ფარგლებში სტუდენტების მიერ თანაბარი ქულების დაგროვების შემთხვევაში (თუკი ბოლო 2 ან მეტ სტუდენტს დაუფიქსირდება ერთი და იგივე საშუალო შეწონილი ქულა), უპირატესობა მიენიჭება შესაბამის საგანმანათლებლო პროგრამაზე, სხვადასხვა სამეცნიერო ან სასწავლო კონფერენციებში, სემინარებში, სიმპოზიუმებში და ა.შ.

მონაწილეობის მიღებასა და მაღალ მიღწევებს (საუნივერსიტეტო კონფერენციები და სხვა, შესაბამის ფაკულტეტზე არსებული ინფორმაციის გათვალისწინებით).

5. თუკი შესაბამის ფაკულტეტზე, წინამდებარე წესის მე-3 პუნქტით გათვალისწინებული კვოტის შესაბამისად გასაცემი დარჩება სტიპენდია, იგი შესაძლებელია გადანაწილდეს იმ ფაკულტეტის სტუდენტებზე, რომლებსაც ამ წესის შესაბამისად, ყველაზე მაღალი აკადემიური მოსწრება აქვს.
6. წინამდებარე წესის აღსრულების მიზნით ფაკულტეტის დეკანები არაუგვიანეს 2020 წლის 09 დეკემბრისა ბსუ-ს რექტორს წარუდგენენ წინამდებარე წესის მე-3 პუნქტში აღნიშნულ სტუდენტთა რაოდენობაზე (კვოტა) 5 (ხუთით) მეტი სტუდენტის მონაცემებს. ფაკულტეტის სამსახურებრივ ბარათებში უნდა აისახოს სახელმწიფო სტიპენდიანტების კანდიდატების შესახებ შემდეგი ინფორმაცია: სტუდენტის სახელი, გვარი, პირადი ნომერი, სწავლების საფეხური და საგანმანათლებლო პროგრამა, სწავლების წელი/სემესტრი, ბოლო სემესტრის საშუალო შეწონილი ქულა.
7. სახელმწიფო სტიპენდია არ დაენიშნება:

- ა) ბსუ-ს სტუდენტის სტატუსშეჩერებულ/სტატუსშეწყვეტილ პირს;
- ბ) სამაგისტრო ან სადოქტორო პროგრამის სტუდენტს;
- გ) აკადემიური დავალიანების მქონე სტუდენტს (გარდა იმ სტუდენტისა, რომელსაც ბსუ-ს გაცვლითი პროგრამაში მონაწილეობის გამო, დადგენილ ვადაში ასათვისებელი აქვს ბსუ-ს საგანმანათლებლო პროგრამით გათვალისწინებული კრედიტები);
- დ) სტუდენტს, რომელსაც შესრულებული აქვს შესაბამისი საგანმანათლებლო პროგრამის მოთხოვნები და მიენიჭა შესაბამისი აკადემიური ხარისხი;
- ე) სტუდენტს, რომელსაც წინა სემესტრში ათვისებული აქვს 27 კრედიტზე ნაკლები;
- ვ) დამატებითი სასწავლო სემესტრის (ვადაგაგრძელებულ) სტუდენტს;

8. სახელმწიფო სტიპენდია ინიშნება და გაიცემა ეტაპობრივად, საქართველოს განათლების, მეცნიერების, კულტურისა და სპორტის სამინისტროს შესაბამისი კორესპონდენციისა და სახელმწიფო დაფინანსების მიღების შემდეგ ბსუ-ს რექტორის სამართლებრივი აქტის საფუძველზე (თანხმდება სტუდენტთა კარიერული განვითარების, კულტურისა და სპორტის დეპარტამენტთან, სასწავლო პროცესის დეპარტამენტის დიპლომების გაცემისა და რეესტრის სამსახურთან, საფინანსო-ეკონომიკურ დეპარტამენტთან და ადმინისტრაციის ხელმძღვანელთან).